

արքաց, և նորա ուրախութեամբ ընկալեալ ընթերցաւ .
 դովեաց զհրովարտակն և զգրեանս Դատաւորին, խոստա-
 ցեալ կատարումն տալ գործոյն, և մեկնեցաւ :

Եւ 'ի վաղիւ անդր ըստ ազգարարելոյ նորին չոքան
 'ի Դատարան և մատուցին զգրեանս Դատաւորին, և նորա
 ընթերցեալ համուրեաց զհրովարտակն, և յանձն առ սի-
 րով կատարել զհրաման Արքային, և զկնի բանից մեկնե-
 ցան անտի : Յետոյ եկեալ Դպրապետին 'ի վանս խնդրէր
 հաճել զկամս Դատաւորին, և Յովհաննէս վարդապետ ետ
 նմա 3000 դահեկան . և յորդորեաց զնա կատարել զգործն .
 զի Պատրիարքունք և ազգապետք 'ի քէն պահանջեն ասէր
 զայս գործ : Սակայն միտք Դատաւորին հայէր 100,000
 դահեկանի, և սոքա ոչ կարէին տալ աւելի քան 40,000 :
 Քաղաքապետն լուեալ զգալուստ Յովհաննէս և զգնալ նո-
 րին 'ի դատարան, զժուարեցաւ, և կոչեալ զթարգմանն
 յանդիմանէ զնա, և յետ երկուց աւուրց ըստ խնդրոյ նո-
 րին գնաց առ նա Յովհաննէս վարդապետ, և 'ի մեղադիր
 լինել նորա թէ ընդէ՞ր ոչ եկիր առիս, զի ես եմ ասէր
 երկրին, արար նմա պատասխանի, թէ ճարտարապետ Ար-
 քայի Գրիգոր Գալթայ տարաւ զիս առ Եպարքոսն, և նո-
 րա տուեալ զիսկեալ գրեանս պատուիրեաց զնալ յերու-
 սաղէմ և մատուցանել առ Դատաւորն, և առնուլ 'ի նմանէ
 զպատասխանն, և ինձ պարտ էր կատարել զհրամանն նո-
 րին, այլ 'ի կոչելէ փոյթ եկի առ քեզ . Քաղաքապետն
 յայտ արար զգրելն իւր առ Բդեշխն զգալտեսնէ նորին,
 եւ պատուիրեաց Դատաւորին չտալ Իլամ մինչեւ եկեսցէ
 պատասխան գրոյն : Յեւ Հոկտեմբերի եհաս Ոստիկան ոք
 տասն արամբք 'ի Դամասկոսէ, պատուէր առ Դատաւորն
 չտալ Իլամ Հայոց մինչ ցգալուստ Բդեշխին, կամք Քաղա-
 քապետին էր իջեւանել նոցա 'ի վանս Հայոց, այլ արգել
 Դատաւորն : Եւ զկնի աւուրց եկն եհաս Կուսակալն յերու-
 սաղէմ ըստ սովորութեան ('ի 5 Դեկտեմբերի) : Եւ յետ
 առնլոյ զսահմանեալ հարկս իւր, մատեան առ նա Յովհան-
 նէս վարդապետ և այլք, և առաջի եդին նմա զգործ հրո-
 վարտակին վասն Իլամի և պարտուց, և ետուն նմա 25,000
 դահեկան, եւ 2 ժամացոյց 'ի ձեռն Արապկերցի Ղուկաս
 աղայի յազգէ Հայոց, սեղանաւորի նորին, 2500 և մի մա-